



GEREJA KRISTUS LIKAS

Mengenal dan Memperkenalkan Kristus

Bisyp: Bisyp Datuk Meller Jiki Tais

Rektor: Archdekan Moses Chin



Hubung

P.O. Box 18510, Pejabat Pos Besar Kota Kinabalu,
88670 Kota Kinabalu, Sabah

Pejabat: 088-426312, 213220 | Mudah alih: 019-6611558

<http://christchurchlikas.org/> | cclikas@gmail.com

Trinit 11 - 11 Ogos 2024

Doa Hari Ini

Allah Mahakuasa, Engkau memanggil umat-Mu bersaksi bahawa di dalam Kristus, Engkau memulihkan manusia kepada-Mu; tolonglah kami memberitakan Injil kasih-Mu dan semua orang yang mendengarnya dipulihkan kepada-Mu, melalui Dia yang mati bagi kami dan yang telah pun bangkit dan sekarang memerintah dengan Engkau dan Roh Kudus, satu Allah, sekarang dan selamanya. Amin.

Injil - Yohanes 6:35, 41-51

Pembacaan Berbalas-balas -
1 Raja-raja 21:1-14

**Masakan Hakim
segenap bumi tidak
menghukum dengan adil?**

- *Kejadian 18:25*



Kebaktian BM disiarkan **secara langsung, 11:30 pagi.**:

- YouTube: <https://www.youtube.com/>

[@christchurchlikas/streams](https://www.youtube.com/@christchurchlikas/streams)

Selamat datang ke dalam perkumpulan umat Tuhan.
Kita bersama-sama beribadah kepada Tuhan Yesus yang telah pun bangkit, dan mendorong satu sama lain untuk mentaati-Nya.

1. SELAMAT DATANG

Kami menyambut anda ke dalam keluarga gereja Kristian, sambil kita bersukacita di atas pembaptisan anda sekalian: Liaw Jeck Yun, Lai Kui Ming, Yee Ting Fong, Keleris Yain, Stella Yung.

2. TEROKAI KRISTIANITI - 'Pergi-Sehari'

Peserta kursus ini akan meluangkan masa 'seharian' pada 31 Ogos (cuti umum), di Puncak Doa Kokol. Keterangan lanjut akan segera dikongsikan.

Sementara itu, kursus diteruskan hari ini: BC - 10:00 pagi; BI - 12:00 tengah hari; dan, BM - 2:00 petang. Semua sesi dijalankan di Dewan Alpha. Makan tengahari disediakan. Alamilah sebuah pengalaman pembelajaran yang baik. Kenalilah beberapa rakan baru. Topik hari ini: 'Bagaimana Allah menerima kita?'



3. 'ALLAH ELIA'

Siri khutbah kita diteruskan:

- 14 Jul - Dia : 1 Raja 17 (Kerit & Sarfat)
- 21 Jul - Dia mendedahkan - 1 Raja 18b (Gunung Karmel)
- 28 Jul - Dia mencabar - 1 Raja 19 (Gunung Horeb)
- 4 Ogos - Allah yang Bermisi (pengkhutbah jemputan)
- **11 Ogos - Dia menuntut pembalasan - 1 Raja 21 (kebun anggur Nabot)**
- 18 Ogos - Minggu Penetapan
- 25 Ogos - Dia menghakimi - 2 Raja 1 (penyembahan berhala Ahazia)
- 1 Sep - Dia memerintah - 2 Raja 2 (Kenaikan Elia)



4. PERSEKUTUAN DOA BAHASA CINA

Khamis ini, 15 Ogos, 8:00 mlm - di Dewan Alpha. Fokus: Negara kita yang tercinta. Secara hibrid melalui Zoom. Meeting ID: 849 0600 4194, Passcode: 0224

5. PENETAPAN

- Raptai - hari ini: calon-calon BM pada pukul 1:00 ptg. Calon-calon BC & BI pada pukul 2:00 ptg. Semua calon dan para saksi dikehendaki untuk hadir.
- Minggu Penetapan - Ahad depan, 18 Ogos. Lebih daripada 30 orang yang akan Ditetapkan oleh Bisyop Melter Tais.
 - 9:30 pagi - Kebaktian BI; untuk calon-calon BC & BI;

- o 11:30 pagi - Kebaktian BM; untuk calon-calon BM.
- o [makluman: 7:30 pg - Kebaktian Bahasa Cina adalah pada ketetapan biasa; TIADA Penetapan.]

6. SINOD 2024

Sinod ialah badan pentadbir tertinggi dalam diosis kita. Salah satu perkara yang paling penting dalam agenda Sinod yang bakal mendatang, 27-30 Ogos, adalah untuk membentuk 'diosis kawasan'. Berdoa agar masa yang diluahkan bersama menjadi bermakna. Kita diwakili oleh Ps. Margaret Chong, Ps. Andriano Bronio, En. Andy Lee, Rev. Samuel Sampe dan Rektor.

7. KONSERT CCL

Kami akan menganjurkan konsert istimewa pada hari Ahad, 1 Sep, 7:30 malam. Acara ini menampilkan Brother Jun, seorang artis Kristian tempatan, yang lagu-lagunya popular berlegar dalam media sosial. Penyanyi dari Christ Church juga akan diketengahkan. Kemasukan adalah percuma. Pemberian persembahan sukarela amat dialu-alukan.

8. KEGIATAN DALAM DIOSIS

- 15-17 Sep - **Konferensi Doa 'Penerobosan'**, dalam BC & BI, di Katedral All Saints. Sila mendaftar. Yuran RM150/- seorang; termasuk makan. Lebih daripada 400 orang sudah mendaftar.
- 16-18 Sep - **Latihan Pemimpin Awam (LPA)**, dalam BM, di Telupid. Sila rujuk maklumat tersedia.
- 19-21 Sep - **Khemah Muda-mudi BM**, di Telupid. Info lanjut akan segera diberikan.



9. PELAYANAN-PELAYANAN LAIN

- 17 Ogos, minggu depan - Persekutuan **Evergreens**, Dewan Omega, 9:30 pagi.
- **Gubahan bunga** untuk hari ini disumbangkan oleh Ps. Andriano Bronio & keluarga.

10. PROJEK LABUR - terima kasih!!

Terkini: RM112,560/- Minggu lepas: RM2,255/- diperlukan: RM487,440/-

11. PEMBERITAHUAN NIKAH

Pemberitahuan Pernikahan yang ketiga di antara Syahbir Karolus & Priscilla Johan@John (jemaat BM). Mereka merancang untuk mengadakan Kebaktian Pernikahan pada 24 Ogos 2024.

UNTUK PEMBERIAN DALAM TALIAN
RHB Bank | 2-10103-0001913-1
Christ Church Likas

Boost: <https://myboost.app.link/FPvG94VIT4>



Allah Elia

Allah yang Adil - Dia menuntut pembalasan kebun anggur Nabot - 1 Raja-raja 21

Untuk renungan & perbincangan:

1. Jika anda mempunyai banyak wang di dunia, apakah yang anda ingin miliki? Rumah besar? Sebuah kapal layar? Kereta sport?
2. 1 Raja-raja 21:1-7. Mengapakah Raja Ahab berminat dengan kebun anggur Nabot? Apakah dalam niat tersebut yang mencerminkan tentang hati manusia? Baca Keluaran 20:17, Kolose 3:5.
3. 1 Raja-raja 21:8-16. Apakah yang boleh dicapai oleh Ratu Izebel; dengan menggunakan nama raja? Apa yang berlaku kepada Nabot; dan kebun anggurnya? Adakah ini adil? Mengapa, atau mengapa tidak?
4. Apakah penghakiman yang diucapkan ke atas Raja Ahab (ay21)? Mengenai Ratu Izebel (ay23)? Apa yang berlaku kepada Ahab (ay29)? Dia akhirnya mati dalam pertempuran. Tetapi apa yang berlaku kepada Izebel (2 Raja-raja 9:35-37)? Dalam semua yang disebutkan, apakah hal-hal yang kita tahu tentang Allah Elia?
5. Siapa yang anda pengaruhi? Sebutkan satu orang atau sekumpulan orang yang dalam pengaruh anda. Bagaimana anda boleh menggunakan pengaruh anda untuk kebaikan; dan untuk mendekatkan mereka kepada Allah?
6. "Pembalasan itu adalah hak-Ku, Akulah yang akan menuntut pembalasan, firman Tuhan."- Roma 12:19. Bagaimanakah kita boleh membantu satu sama lain untuk lebih mempercayai Tuhan? Berdoa untuk mereka yang dalam kumpulan sel anda, yang perlu 'melepaskan' dan mempercayai Allah. Dia AKAN menuntut pembalasan, suatu hari nanti.

UNTUK DIDOAKAN

Dunia kita yang tercinta

- berdoa untuk pengagihan kekayaan dan sumber-sumber bumi dengan saksama

[agar negara-negara, tiap masyarakat dan individu bersedia untuk berkongsi]

Diosis kita yang dikasihi

- berdoa untuk Sinod pada 27-30 Ogos

[agar seluruh keluarga besar diosis boleh bersatu untuk mengasihi dan melayani]

Diri kita sendiri

- berdoa agar iman keyakinan kita semakin bertambah dalam keadilan Tuhan [kiranya Tuhan terus mempedulikan kita dan orang-orang di sekeliling kita]

- berdoa untuk mereka yang dalam keperluan khusus, baik minda atau rohani; dan untuk 5 sahabat kita. Namakan mereka dalam doa anda.